

Amddiffyn Plant yn Effeithiol

Gwerthusiad Prosiect

Crynodeb Gweithredol ag Argymhellion

Mawrth 2022

Bruce Thornton

Ymgynghorydd a hyfforddwr mewn gofal cymdeithasol

Awst 2022

Crynodeb Gweithredol

Mae'r sail dros y Crynodeb Gweithredol yma a'r Argymhellion i'w canfod yn yr Adroddiad Llawn a'i atodiadau.

Gofynnwyd i mi bwysu a mesur ydy gwaith amddiffyn plant yng Ngwynedd yn fwy effeithiol ar ôl mabwysiadu model Amddiffyn Plant yn Effeithiol?

Mae ateb pendant i hynny, sef **'Ydy'**.

Yn y gwerthusiad interim, nodais faint yr oeddwn wedi fy synnu gan symlrwydd y Model a pha mor ymarferol ydoedd, yn ogystal â'r effaith yr oedd wedi'i gael ar ymarfer. Holais 'pam nad oes neb wedi gwneud hyn o'r blaen?' Mae'r gwaith meddwl sydd wrth wraidd y model yn cael mwy a mwy o argraff arnaf, yn ogystal â'r dycnwch a'r dyfalbarhad i fwrw ymlaen i'w roi ar waith, er gwaethaf Covid.

Roedd angen gwneud newidiadau mawr i ymarfer er mwyn cyflwyno Amddiffyn Plant yn Effeithiol yng Ngwynedd. Roedd uwch reolwyr yn barod eu cefnogaeth, ac mae wedi gweithio ac yn parhau i ffynnu. Rwy'n ffyddiog ei fod wedi bod yn hwb ar gyfer datblygu sgiliau ac ymarfer ac y gallai'r prif elfennau fod yn fuddiol i lawer o awdurdodau lleol.

Mae'r model yn cynnwys 4 elfen ac mae'n cyfeirio at Fentora Ymarfer a defnyddio ymarfer adlewyrchol i wreiddio ac atgyfnerthu gwelliannau mewn ymarfer.

O'r pedair elfen, 'Newid' a 'Mesur' ydy'r elfennau newydd sy'n cael eu gwreiddio mewn ymarfer gwaith cymdeithasol.

Mae'r rhain yn syniadau syml ond pwysig nad ydy gwaith cymdeithasol, hyd yn hyn, wedi llwyddo i'w troi yn declynnau ac yn ffyrdd ymarferol o weithio. Y rhain sy'n cyfrannu fwyaf at fodel Amddiffyn Plant yn Effeithiol a'i effaith ar amddiffyn plant.

Mae Prosiect Amddiffyn Plant yn Effeithiol yn cael ei arwain gan hyfforddwr a chymhellwr profiadol sydd wedi meddwl yn ofalus am sut mae pobl yn dysgu ac yn addasu dros amser. Mae Mentora Ymarfer yn allweddol wrth droi syniadau neu fwriadau yn newidiadau i ymarfer rheng flaen. Mae'r Mentor Ymarfer yn rhoi pwyslais ar adlewyrchu, ac mae'n gwneud synnwyr ein bod yn gweld cymaint o bwyslais yn cael ei roi ar y sgiliau hyn.

Argymhellion

- Atgyfnerthu'r gwaith o gyflwyno elfennau Newid a Mesur fel y rhai sy'n gwneud y mwyaf o wahaniaeth.
- Dal ati i adolygu 'Beth sydd Angen Newid' a 'Mesur' er mwyn gwneud yn siŵr eu bod yn rhoi ffocws unigol ar deuluoedd a'u sefyllfaoedd.
- Mae'r prosiect wedi llwyddo i helpu llawer o deuluoedd i newid eu ffyrdd ac i ofalu am eu plant. Dylid dal ati i ddatblygu ac adolygu amrywiaeth o ffyrdd gwahanol o hybu a galluogi newid.
- Atgyfnerthu a sefydlu mentora er mwyn cynorthwyo ac atgyfnerthu rôl a chyfrifoldebau'r rheolwr tîm. Mae mentora wedi bod yn allweddol wrth ddatblygu sgiliau gweithwyr cymdeithasol o safbwynt adlewyrchu, cyfathrebu a chynnwys teuluoedd.
- Datblygu cyngor i awdurdodau lleol eraill ar ddefnyddio elfennau unigol Amddiffyn Plant yn Effeithiol i gyd-fynd â'r system maen nhw'n ei defnyddio. Y prif elfennau ydy 'Newid' a 'Mesur'. Gallai'r rhain gyd-fynd â phrosesau sydd ar waith yn barod yn ddigon hawdd.
- Defnyddio dadansoddiad 'Rheswm dros eich Penderfyniad' Risg 2 mewn cynadleddau i grynhoi casgliadau.
- Defnyddio'r grid yn Risg 2 mewn cynadleddau a grwpiau craidd er mwyn cyfathrebu'n well.
- Defnyddio teclynnau Proffil Gofal wedi'i Raddio a Cyflwr y Cartref i helpu i feddwl am y 'Camau' a'r 'Newid'.
- Dal ati i hyrwyddo'r dulliau a'r canlyniadau – yng Ngogledd Cymru i ddechrau arni ac yna i gynulleidfa ehangach.

Rwy'n atgyfnerthu'r neges yn fy adroddiad interim. *'Fodd bynnag, mae'n deyrnged i'r gwaith datrys problemau sydd wedi cael ei wneud i ddod o hyd i ateb, a'r dycnwch i gyflawni'.*

2. Awdur yr adroddiad

Bruce Thornton

Rwy'n weithiwr cymdeithasol cofrestredig, ar ôl cymhwyso yn 1971. Ym maes plant rydw i wedi gweithio'n bennaf, a hynny mewn swyddi gwaith cymdeithasol, rheoli a hyfforddi mewn awdurdodau lleol.

Rwyf hefyd wedi darlithio ar gwrs gwaith cymdeithasol proffesiynol ac yn un o gyd-awduron y Canllaw Gofal Cymunedol i Ddeddf Plant 1989.

Ers 1992, rwyf wedi bod yn hyfforddwr llawrydd ac yn datblygu gwasanaethau yng Nghymru a Lloegr. Rwy'n un o gyd-awduron Model Risg Gwynedd ac mae gen i ddiddordeb arbennig mewn ffyrdd ymarferol o roi datblygiadau amddiffyn plant ar waith mewn awdurdodau lleol.

Rwyf wedi cyflwyno'r Model Risg i amryw o Adrannau Gwasanaeth Plant mewn awdurdodau lleol ac rwy'n gyfarwydd iawn â llawer o systemau amddiffyn plant.

Rwy'n gyfarwydd â chefnidir prosiect Amddiffyn Plant yn Effeithiol ond nid wyf wedi bod yn gysylltiedig â'r gwaith o'i ddatblygu na'i roi ar waith. Fodd bynnag, fe wnes i gyflawni rhan o'r gwerthusiad interim, gan gymharu a chyferbynnu adroddiadau cynadleddau amddiffyn o'r cyfnod cyn i'r model gael ei gyflwyno ac ar ôl hynny.